

# مجموعه سنون

۱۱

## جمعیت علمیه عثمانیه

(بال شهرت بیلد)

کتابخانه علمیه عثمانیه  
تألیف و تصحیف  
مطبعه سنه ۱۲۷۹  
وزیر خاتمه ارزنجانلی اوغلو میناسیان آرتین  
مطبعه سنه ۱۲۷۹  
استانبول

## (دار الفنونده درس عام وقوع کشادی)

کچن دفعه دار الفنونده کشاد اولنده جیغی یازلمش اولان حکمت  
 طبیعیه درس عامی بعضی مأمورین کرام و کتبه اقلام و سایر هر  
 صنف اهلیدن اوچوز قدر مستمع حاضر اولدیغی حالده اشبو  
 ماه رجب شریفک یکرمی ایکنجی بازار ایرتسی کونی بدأ اولمشدر  
 سعادتلسو درویش پاشا حضرتلری اولا شواثر خیرک مجرد ذات  
 معالی سمات حضرت پادشاهینک تربیه عامه حقنده متوالی الظهور  
 اولان مساعدات جلیله جله سندن اولدیغی بیانیله تزايد عمر  
 و شوکت شهریارلری دعای لازم الاداسنی ایفا و تدریس ایده جکی  
 حکمت طبیعیه و کیمیا فلترینک عموم حقنده نه درجه لزوم و اهمیتی  
 اولدیغنی بر مقاله مختصره ایله افاده و انبا ایتدکدنصکره مقصوده  
 شروع ایلش و اشبو برنجی درسده علین مذکورینک موضوع  
 و غایتی و ماهیت هوا و قوه القریقه و سائریه دأر بعضی اصول  
 و قواعد حکمیه بی بیان و اشبو مسائلک درعقب عامه حضورنده الات  
 مخصوصه سی واسطه سیله تجربه لرینی دخی اجرا ایلشدر  
 بو مقوله علوم دقیقه تدرس و تفهمنک بعضی مقدمات علمیه تحصیلنه  
 متوقف اولدیغی درکار ایسده مدرس مشار الیه اوضح صورته تقریر  
 و افاده مرام ایلدیکندن و بالخصوص قسلاً تفهیم اولنان مسائل  
 اولوجهله فعلاً دخی ارائه و اثبات اولندیغندن مستمعینک بالسهوله  
 استفاده ایده جکی مجزومدر  
 اجرا اولنان تجربه لر امور غریبه دن اولوب حضارک اکثریسی دخی  
 برنجی دفعه اولیق اوزره بویله شی کوردکلرندن موجب کمال تعجب لری اولوب

بالخصوص قوه القریقه تجربه سنده الات مخصوصه سندن آتش  
شراره‌ری ظهور ایتدیکدن بشقه بر اینجه تل واسطه سیله قوه مذکوره  
بر ادمک وجودینه نقل اولندیغی حالده ال و یاخود بشقه بر شی ايله  
وجودینک قنغی طرفنه طوقلسه اورادن مائی رنگلو قغلملر چیقسی  
و بعض ترکیب کیوی ايله تیمور تل عادتاً قابل التهاب بر ماده کبی  
مشتعل و محترق اولسی فوق الغایه موجب استغراب اولشد  
دفعه اولدن صکره رجب شریف غایتنه قدرویریلان ایکی درسنده  
جمعیت ده‌ا زیاده اوله‌رق درت بشوز قدر ادم بولنش و درسخانه‌ک  
بوندن زیاده یه تحمیلی اولدیغندن بر طاقم کسان دخی یر بوله‌میه‌رق  
عودت ایتلدر و حضارک جله‌سی کال حرمت و دقت ايله استماع  
ایدرك هیچ بریستندن مغل ادا ب بر کونه حرکت صدور ایتامشدر  
در سعادت اهل‌بسنک تحصیل علم و معرفت حقنده مشهود اولان  
بودرجه میل و رغبتلری فی الحقیقه هیئتجه مایه حبور و مفخرت  
اوله‌جق مواددن اولوب کرك مجموعه عاجزانه‌مز و کرك اشو درس  
حقنده عامه طرفندن فوق المأمول ظهوره کلان حسن قبول بو  
مقوله تأسیسات علمیه‌ک بی اثر و اعتبار قالمیه جفته دلیل واضح اولدیغندن  
و عالمده هر نه اولور ایسه اولسون ممکناندن اولان بر امره نیت قویه و خالصه  
ایله تثبث اولندیغی حالده همان دائماً نتیجه مطلوبه‌ک تیسر حصولی  
مجزوم بولندیغندن او صاف ممدوحه و طنپوری و اهلیت ايله متصف  
اولان ذوات مملکتک اشد احتیاجی اولوب از همتله حصولی ملحوظ  
اولان آثار خیریه‌یه خیال محال نظریله باقیه‌رق بران اقدام شروع  
و مباشرت و درگاه الهیدن استدعای حسن موفقت ایللیدر  
اگرچه درس مذکور مستعارینک جزو اعظمی ذات علم و معرفته محبه  
تعلم

تعلیم و تحصیل نیت خیریه سبب کلد جکندده اشتباه ایتمز ایسه کده فهم  
 و تقدیرندن عاجز بولنان بعض عوام ناس مجرد اجرا اولنان تجربه لری  
 کورمک و عادتاً بر او یون کبی تماشاسیله اکلنک اوزره کلد جکلری دخی  
 درکار اولوب بو مثللو علوم نافعیه شونظرله باقلر قبوله شایان اوله مز  
 ایسه ده اشبو درس عام اولدیغی جهته له شو ایکی صنفک تمیز و تفریق  
 متعسر و بلکه متعذر اولدیغندن اومقوله جهلا طاقنک دخی طلبه مثللو  
 رخصیاب دخول و انلر صره سنده جالس مصبطه قبول اوله جکلری  
 اشکاردر خالی محل اولدیغی حالده اومقوله لک دخی درسده حاضر  
 بولنمسنده بآس یوغنسنده بولنلر اولجه کلدکلری حالده برحقو محلی  
 اشغال ایدرک مداوم و مستعد اولان طلبه نک اچیقده قاله جکلری و بنا  
 علیه بولنلر دائماً بر بوله جکلری خصوصنده امین اوله مبدرق شو ماده  
 ترک و تکاسلارینه سبب اوله جغی ملاحظه دن غیر بعیددر

شو محذورک دفعی چاره سی بولنق پک کوچ دکدر ظن ایدرم مداومت  
 اوزره درس استماع ایتک استیابنلر بر محل مخصوصده اثبات وجود  
 ایدرک حال و شان و درجه اهلیت و استعدادلری ممکن مرتبه تفحص  
 و تحقیق و مداوم و مستفید اوله جکلری مأمول بولنلر بالقبول کلدکجه  
 خالی بولاق اوزره بولنلر بر محل تخصیص اولنوب کیفیتی مبین یدلینه  
 برر قطعه دخوله بیلیتی اعطا اولنسیله شو مقصد حاصل اولور

اشبو تدبیر ارباب اهلیتک دوامنه حائل اوله جق محذوری دافع اولدقدن  
 بشقه بو تقدیرجه درسک ختامنده او مثللو امتیازلوشا کر دانک امتحانلری  
 دخی اجرا اولنه بیلوب بونک ایسه امر تحصیلده نه درجه حسن  
 تأثیری اوله جغی تعریفدن آزاره در خواهاشگران علم و معرفتک  
 شمذیکی صورته دخی دوام و استفاده یه سعی و اهتمام ایده جکلری

بی اشتباه ايسه ده مداومتی بر تعهد مغوی تحننه اولدیغی و بالخصوص  
بر کون عامه مواجهه سنده ثمره سعی و طلبی سنجیده میران امتحان  
اوله جغنی بیلندیکی حالده بالطبع شو کیفیت بشقه بر شوق و غیرتی  
مستلزم اوله جغنی درکاردر

شو مطالعات عاجزانه مزی عرض و بیاندن مرادمن حاشا درس مذکور  
حقننه بر کونه نقص و قصور اسنادی اولیوب مجرد عموم حقننه  
خیرلو اولوق اعتقادنده بولندیغمن صورتی اخطاردن عبارتدر هر حالده  
بونک تأسسنه موفق اولان ذوات حجت سمانک مساعی مشکوره لرینی  
تقدیره مجبورن طوبخانه عامره مشیری دولتلو خلیل پاشا حضرتلری  
طرفندن دخی اشبو درس محارینک تنظیم و تسویه سنده خیلی همت  
بیورلمش اولمغله بوصره ده مشار الیه حضرتلری حقننه دخی لوازم  
تشرک و محمدنک ایفاسنی وجیهه دن عد ایلرز  
(منیف)

### (خلاصه پولیتقیه)

(ممالک مجتمعه آمریقا مسئله سی)

اشبو مسئله نك منشأ و سببی لایقیله اكلالشی ممالک مجتمعه آمریقانك  
موقع جغرافیسی و اهالیسنك مسلك و مشواری بیلنسنه متوقف  
اولدیغندن اول امر ده بروجه ایجاز بورالینك تعریف و بیانی لازم کلمشدر  
ممالک مذکوره اوتوز درت حکومتدن مرکب بر جمهور اولوب بونلرک  
هر برینك صورت مستقله ده اداره مخصوصه لری اولوب هئت  
مجموعه لرینه عائد مواد دخی درت سنده بر کره تبدیل اولنور بر رئیس  
ایله